

essentiam verò aqua, quæ in Metallis nobilissimum Auri corpus exprimit. Hic nempe Mars, origo ignis fulgurante suo splendore supra Solem elatus, Ignis & Lucis virtutes efficacissimas in Jovem transfudit, ex quo Saturnus, exspirata & efflata impressio Primæ Formæ seu Qualitatis in Naturâ prodiit. Ex Venere descendit gravis Sonus cum Materia gravi Mercurium constitutus ex Salmiitri Sulphure per aquam, nata sic essentia cupiditatis ex Mercurio, quam Venus in Ignem sua cupiditate apprehendit, & Lunam tanquam virtutum & virium corpus dedit. Sic Septem Qualitatum, & Proprietatum in Naturâ Primariorum ortus per *Verbum Fiat* apertus, atque hi Septem Præsides in Natura constituti sunt, inter quos Sol Rex, tamdiu duraturus, quamdiu tempus manebit, splendorem & efficaciam suam accepit ex Splendore Ignis Tincturæ, quæ in Aeterno, Spirituali & Magico Igne habitat. Omnium igitur virtutum Astralium causa, & centrum, cunctis sideribus vires & virtutes suas impertit, & communicat, atque omnes ipsorum vires aperit, perinde ac ex corde animalis Anima in reliqua totius corporis membra vires suas diffundit, atque quodvis ad munus suum perficiendum excitat, & promptum ac paratum reddit. Sicut autem Sol Centrum est omnium Cœlestium Corporum; Sic etiam Terra pro centro habenda Elementaris Mundi, ita ut hæc quasi Uxor sit, & Sol Mariti vices gerat, qui vires omnes suas cum cæteris astris in Terram, Cœlestium virium susceptricem, transmittat. Solis itaque fulgor atque splendor uno gradu profundioris originem nactus est, quam quidem externus Mundus propria & externa sua manifestatione patet, quod Ethnici Sapientes animadverterunt, ideo ipsum divinis honoribus afficientes, quia verum Deum extrâ omnem Naturam in seipso habitantem ignorarunt. De Sole in *Præloq. pag. 69. 70.* plura invenies.

MARS.

V. MARS Armatus & omni genere telorum septus, curru, cui in *Typo* nostro præfente impositus est, gubernat, & Martem Planetam designat, qui circulo suo supra Solem elato reliquos omnes sibi subiectos ambit, atque unanimi omnium Astronomorum consensu Luna, Mercurio, Venere ac Sole superior est, quem tamen Solus *Tycho Brahe* Acronychum, & Soli oppositum sub eo versari contendit. *Præloq. pag. 70.*

VI. JUPITER. Fulmen manu tenens in curru suo *Jupiter*. Aquila juncto conspicitur, orbitæque suæ cæteros inferiores circulos complectens, Saturnique circulo subiectus, sextam in serie Planetarum viam percurrit, & maximo fulgore splendens Venere paulo minor apparet. *Præloq. pag. 71.*

VII. SATURNUS manu falcem messoriam contrahens in *Typo* hoc Planispharico à duobus draconibus protrahitur, & in extremâ Planetarum serie collocatus supremus & ultimus est Planetarum, atque Orbitâ suâ Firmamento proximus, qui omnium Astronomorum sententiâ cæteros Orbes inferiores cunctos Sphærâ suâ circumcingit. Facilis cognitio Planeta, quippe qui plumbei ferè coloris, ac subobscuri reliquarum stellarum respectu non scintillat.

VIII. FIRMAMENTUM, seu Cœlum Octavum *FIRMAMENTUM*. proximè supra Planetarum Cœlos, & Sphæras, in quo per sparium latissimum se extendente, omnes stellæ fixæ suas sedes habentes, se conspicendas exhibent, Inerrantes ideo etiam dictæ, unde & hæc Sphæra Aplanes quoque nuncupari solet. In eâ est Dodecamerion, seu Ecliptica, aut Zodiacus duodecim Signa Cœlestia, quæ Sol annuatim peragrarè consuevit, complectens, & in hac Icone Planispharica Orbe extimo adumbratus, in quâ sequentes sphæræ ob nimis angustum spatium omiffæ facili tamen negotio ex prioribus intelligi possunt.

IX. SPHÆRA NONA, seu Cœlum Crystallinum *SPHÆRA*. unum regens motum anomalie processionis Æquinoctio. *NONA*. rum, *ἀναστρεφ*, sive sideribus carens, & pellucidum.

X. SPHÆRA DECIMA, seu Cœlum Crystalli. *DECIMA*. num alterum, etiam *ἀναστρεφ*, sive stellis carens, & regendo motui anomalie obliquitatis Zodiaci interserviens.

XI. SPHÆRA UNDECIMA, seu Primum Motum *UNDECIMA*. bile, quod Motum Diurnum regit, & reliquos Orbes *MA*. Cœlestes viginti quatuor horarum spatio circa Elementarem Mundum, seu Sublunarem Universi Creati Partem ab Ortu in Occasum circumducit.

XII. SPHÆRA DUODECIMA, seu Cœlum Em- *DUODECIMA*. pyreum, *ἀναστρεφ* immobile, & beatorum hominum sedes. Hoc Ordine totum Universum Creatum disponunt *Aristoteles*, & *Ptolemaeus*, ac cæteri hodierno tempore Peripatetici, qui horum Authorum sententiæ assipulantur.

